

На стиховне стихиры самогласны, глас 4:

В шестый месяц послан быть архангел к Деве Чистой/ и радоватися Ей прирёк,/ благовести́ из Нея Избавителю проити́./ Темже приемши целование,/ зачат Тя Превечнаго Бóга,/ несказанно благоволившаго вочеловечитися, // во спасение ду́ш наших.

Стих: Благовестите день от дне/ спасение Бога нашего.

Языка, егоже не ведяше, услыша Богородица, глаголаше бо к Ней Архангел Благовещения глаголы: отнюдуже верно приемше целование, зачат Тя Превечнаго Бога. Темже и мы радуящися вопием Ти: Из Нея воплотивыйся непреложно Боже, мир мирови даруй, и душам нашим велию милость.

Стих: Воспойте Господеви песнь нову,/ воспойте Господеви, вся земля.

Се воззвание ныне явися нам: паче слова Бог человеком соединяется, Архангеловым гласом прелесть отгоняется: Дева бо приемлет радость, земная быша небо, мир разрешился первыя клятвы. Да радуется тварь, и гласы да воспоем: Творче и Избавителю наш, Господи, слава Тебе.

Слава, и ныне, глас тойже:

Андрея Иеросалимита: Днесь радость Благовещения, дѣвственное торжество,/ нижняя с вышними совокупаются,/ Адам обновляется, и Ева первыя печали свободяется:/ и сень нашего существа, обожением приемшаго смешение Церковь Божия бысть. О таинства! образ истощания неведом, богатство благодати несказанно! Ангел служит чудеси: Девича утроба Сына приемлет: Дух Святыи низпосылается: Отец свыше благоволит: и изменение общим творится советом. В Немже и Имже спасшися, вкупе с Гавриилом Деве возопиим: из Неяже спасение Христос Бог наш, еже по нам приемь естество, к Себе возведе. Того моли спастися душам нашим.

Таже, Ныне отпускаеши. И по Отче наш:

На благословении хлебов тропарь, глас 4

Днесь спасения нашего главизна,/ и еже от века таинства явлѣние:/ Сын Божий Сын Девы бывает,/ и Гавриил благодать благовествует,/ темже и мы с ним Богородице возопиим:/ Радуйся, Благодатная, // Господь с Тобю. **(Трижды)**

И Буди Имя Господне: с пением, трижды. И чтение праздника.